



**PEJABAT TIMBALAN NAIB CANSOLOR
(AKADEMIK DAN ANTARABANGSA)**

**PENGUMUMAN RASMI
BILANGAN 2 TAHUN 2023**

**PELEPASAN KULIAH DAN AKTIVITI AKADEMIK
KEPADA PELAJAR YANG TERJEJAS AKIBAT BENCANA BANJIR
DI SEBAHAGIAN NEGERI DI MALAYSIA**

Assalamualaikum dan selamat sejahtera.

Kepada semua Fakulti/Pusat Pengajian, para pensyarah dan pelajar UMP,

Sepertimana sedia maklum, bencana banjir telah pun melanda di beberapa kawasan sebahagian negeri di Malaysia terutamanya di Johor, Pahang dan Melaka pada awal bulan Mac 2023 ini. Adalah dimaklumkan terdapat segelintir pelajar UMP telah mengalami musibah dan terjejas akibat daripada bencana banjir yang telah melanda di kawasan kediaman keluarga pelajar yang terlibat.

2. Sehubungan itu, bagi membantu meringankan bebanan pelajar yang terlibat dengan bencana banjir ini, pihak Pengurusan Universiti telah bersetuju memberikan kelonggaran untuk pelaksanaan aktiviti akademik kepada pelajar yang terjejas seperti berikut:-

- i. Sesi pengajaran dan pembelajaran (PdP) akan berjalan seperti biasa dan tiada penangguhan kuliah akan dilaksanakan sepanjang tempoh bencana banjir ini. Walaubagaimanapun, bagi **pelajar yang terkesan atau terlibat dengan bencana banjir** ini, pelepasan dari menghadiri kuliah atau aktiviti akademik akan diberikan kepada pelajar berkenaan pada **minggu pertama kuliah bagi Semester II, Sesi 2022/2023** iaitu bermula pada **13 Mac 2023 (Isnin) sehingga 19 Mac 2023 (Ahad)**. Manakala bagi **pelajar yang tidak terjejas dengan bencana banjir**, kehadiran ke kuliah dan aktiviti akademik adalah berjalan seperti biasa.
- ii. Bagi tujuan permohonan pelepasan ini, pelajar diminta untuk menghubungi penasihat akademik dan pensyarah kursus masing-masing bagi memaklumkan status dan situasi semasa pelajar yang terkesan dengan bencana ini.

3. Selaras dengan kelonggaran aktiviti akademik yang diberikan ini, para pensyarah di Fakulti/Pusat Pengajian adalah disarankan bagi membantu pelajar yang terkesan dengan bencana banjir ini seperti berikut:-

- i. Para pensyarah diberikan budi bicara bagi menyantuni pelajar yang terjejas ini dengan memberikan tempoh masa yang tertentu atau menggunakan kaedah yang dirasakan bersesuaian bagi pelaksanaan aktiviti di makmal dan aktiviti PdP yang lain.
- ii. Semua pensyarah diminta berusaha sebaik mungkin bagi menangguhkan pelaksanaan kuiz atau penilaian/pentaksiran awal bagi semua kursus kepada **minggu ketiga** sesi kuliah agar memberi ruang dan peluang kepada pelajar yang terjejas untuk mengulangkaji semula pelajaran yang tertinggal semasa tempoh pelepasan kuliah diberikan.
- iii. Para pensyarah juga disaran untuk membuat rakaman semasa sesi PdP sedang dilaksanakan samada di bilik/dewan kuliah atau di makmal dalam tempoh bencana ini bagi membantu pelajar yang tidak dapat hadir atau mengikuti sesi PdP akibat terjejas dengan bencana banjir ini. Rakaman ini hendaklah dimuatnaik di dalam platform yang bersesuaian atau diberikan kepada pelajar yang terlibat bagi memudahkan rujukan pelajar pada masa akan datang.

4. Pihak Fakulti/Pusat Pengajian juga boleh membantu dengan mengenalpasti pelajar yang terjejas atau terkesan dalam bencana ini untuk diberikan bantuan yang bersesuaian supaya aktiviti akademik pelajar tidak terganggu dan berjalan dengan baik.

5. Pelajar yang terkesan dan terjejas dengan bencana banjir boleh menghubungi Bilik Gerakan Bencana UMP samada di Bilik Gerakan UMP Kampus Pekan atau Bilik Gerakan UMP Gambang melalui talian 09-4315056 atau mengisi maklumat di "**STUDENT RES-Q**" yang boleh diakses melalui pautan berikut :- (https://std-comm.ump.edu.my/ecomstudent/cms/Sistem_Bencana/index.jsp) untuk dipertimbangkan bantuan yang sewajarnya.

6. Kerjasama daripada pihak Fakulti/Pusat Pengajian, para pensyarah dan semua pelajar dalam menyelaraskan dan mematuhi perkara ini adalah amat dihargai. Mengambil kesempatan ini, marilah bersama-samalah kita mendoakan agar bencana banjir ini dapat berakhir dengan segera dan semua warga UMP yang terjejas, dilindungi serta diberikan ketabahan dalam menghadapi dugaan bencana ini.

Sekian, terima kasih.

Dikeluarkan oleh
Pejabat Timbalan Naib Canselor (Akademik & Antarabangsa)
10 Mac 2023